

COROLLARIUM.

De aliquo Christianæ Religionis
capite ex Confessione Belgicâ
& Catechesi Palatinâ, si quis in-
terrogare velit, pro modulo gra-
tiæ nobis indultæ, respondebi-
mus.

F I N I S.

COROLLARIUM.

De aliquo Christianæ Religionis
capite ex Confessione Belgicâ
& Catechesi Palatinâ, si quis in-
terrogare velit, pro modulo gra-
tiæ nobis indultæ, respondebi-
mus.

F I N I S.

DISPUTATIO THEOLOGICA
INAVGVRALIS,

D E

VNIVERSALI ME-
RITO MORTIS CHRISTI,

Atque ILLIVS
CORPORALI PRAESENTIA
IN S. COENA:

QVAM

D. T. O. M. Benedicente,

Ex Autoritate & Decreto

REVERENDÆ, CLARISSIMÆQVE

FACVLTATIS THEOLOGICAE,
P R O

Doctoratu, summisque in S.S. Theo-
logia honoribus, & privilegijs, in Ele-
ctorali ACADEMIA, quæ est Duisburgi Clivorum,
ritè consequendis,

Publica censura, & solemnī eruditorum disquisitioni subjicit,

SAMVEL à DIEST, HARDERVICO-GELRUS,
S.S. Ministerii Candidatus:

*Ad diem 13. MARTII, hora nona matutina usque in Meridiem
in Templo Academico.*



DVISBURGI CLIVORVM,
Typis IOHANNIS RAVENS, Typographi.

Anno clc lvc Lvi.

REVERENDO, CLARISSIMO, DOCTISSIMOQUE
VIRO,

Dn. HENRICO à DIEST.

S.S. Theologiæ DOCTORI, ecclesiæ Emri-
censis quondam PASTORI Fidelissimo,
Pòst in illustri Gymnasio Harderviceno,
Nunc autem Daventriensi, S.S. Theo-
logiæ, ut & linguæ Sanctæ PROFES-
SORI celeberrimo, Seniori Belgij
Reformati Theologo,

P A T R I suo, omni Pietate,
Reverentiâ, honore & amore
nunquam non prose-
quendo,

DISPUTATIONEM HANC THEOLOGICAM
INAVGVRALEM,

In FILIALIS Obsequij, æternaque
Gratitudinis Symbolum,

L. M. Q.

Inscribit & Offert

FILIUS Dilectus

SAMUEL à DIEST,
ss. Minist. Candid.

DISPUTATIO THEOLOGICA
IN AVGVRALIS.

Prooemium.

Verissima & observatu dignissima Servatoris vox est, (Math. 18. 7.)
ἀνάκλη γὰρ ἐστὶν ἰλθεῖν τὰ σκάνδαλα; item alibi, (Luc. 17. 1.) ἀνεῖδε τοὺς
ἐστὶ μὴ ἰλθεῖν τὰ σκάνδαλα. Fieri enim nequit, quin scandala oriantur, nec
possibile est haereses non excitari inter Christianos. Non quod Servator noster scan-
dala velit aut jubeat, (quum versu. seq. aiat, Vx illi per quem eveniunt; Ex-
pedite ei si mola asinaria circumponatur collo eius, & abiectus fuerit in
mare, quàm ut sit offendiculo uni ex parvis illis:) sed quod solius sapientis
Dei consilium sit, vocationem ad regnum caelorum, lucemque caelestis scientia, à se
filiis suis data, sic cum tenebris filiorum Diaboli temperare, ut illi non sine certami-
ne & exercitio ferventur, illoque agone manifestentur, (I. Cor. 11. 19.) hi verò de-
telegantur, & detecti pudeant, convincantur, judicentur, (I. Ioh. 2. 19.) Veritatem
huius Christi sententia omnibus fere seculis, non sine insignibus vulneribus, militans
Christi Ecclesia experta fuit. Ut praeterea alias haereses, quàm plurimas, quem la-
tet rabies illa Arianorum, quum totus mundus se Arianum esse miraretur? Quis non
blasphemia Samosatenianorum, & Socinianorum dogmata exhorrescit? Quos non mo-
dus Bestia illa Romana, sanguine martyrum ebria, excitavit? Qua vulnera Anaba-
pista, & Arminiani Ecclesia Dei influxerint, plurimi etiamnum recordantur. Scire
id ipsum utile est, ignorare sanè periculosum. Haesium veterum occasione Muham-
med, in tanta animorum fluctuatione, alium Christum, verum Deum, nostrum Me-
diatorem asserentibus, alijs itidem negantibus, virus suum credula ob summam igno-
rantiam multitudini propinavit; Christum magnum quidem Prophetam, uti Moysen,
fuisse, natum ex virgine Maria, &c. sed Christianorum superstitione offensum Deum
legem Christi sustulisse, seque à Deo missum Prophetam armatum, qui errantes gla-
dio coerceat. Scilicet ignorantiam omnium haesium matrem ac nutricem esse, haud
quoque ignorare Pontificj, qui veriti ne simplices, discussu ignorantia nebulis,
ad scientia culmen ascenderent, suasque fallacias & terriculamenta de Potestate Pa-
pa, de Purgatorio, (unà tùm religionis, tùm opulencia Pontificia columna & stabi-
limento) resisterent, hanc eorum ignorantiam religionis fucopinxerunt, iubentes eos
à lectione & scrutatione S. scriptura, atque à fidei propria exploratione, abstinere; fi-
dem implicitam, seu carbonariam, uti vocant, (quà qui nudo assensu credit, quod
Ecclesia, quod Pastor eius credit,) ad salutem consequendam sufficere putantes. Imò
verò & Papam Paulum II. omni eruditionis contemptorem, viros eruditos haeticos

appellasse, nec, præter legendi ac scribendi artem, aliam scientiam à quopiam postu-
 lasse, testatur Platina. Quapropter nobis & à Christo, eiusque Apostolis, locis allatis,
 & ab ipsa experientia, de necessitate & certitudine scandalorum ac hæresum edoctis,
 monitisque, quo Deus sine hæreses in Ecclesia foveri permittat, quam necessitas
 Christiano militi incumbat, iudicatu facilimum est: nempe, non tantum veritatem
 in propatulo locare, & asserere, sed etiam hæreses pandere & impugnare, ut illam
 amplecti, has verò fugere discant Christiani. Nos igitur exiguum huius rei specimen,
 in veritate protegenda, & falsitate oppugnanda, hæc disputatione edituri, non qui-
 dem omnes omnium hæreticorum aut schismaticorum errores, quos unica disputa-
 tione vel recensere difficile esset, ventilabimus; sed prætermisiss pluribus controver-
 siis, inter nos & Pontificios, Socinianos, Anabaptistas, aliosque motus, & singulari-
 bus disputationibus alibi à nobis agitatis, solummodò ex præcipuis unam alteramve
 questionem, quam Arminiani, Lutherani, alijque hijs temporibus nobis movent, ad
 veritatis trutinam, quâ poterimus brevitate, appendemus: ut frumento bono à paleis
 inanibus, vento S. scriptura, repurgato, veritas immota stabiliatur.

QVÆSTIO I. ARMINIANORVM, Aliorumque:

An Christus pro Vniversis & singulis hominibus
 mortuus sit?

THESIS I.

Hic Quæstioni & illæ consonant, An Gratia Dei sit Vniversali?
 An Deus velit omnes & singulos homines salvos fieri. ARMINIANI,
 hominem suæ conversionis fabricum & architectum facien-
 tes, divina consilia ex humanis metientes, Deumque ad
 calculos revocare, eique humanas leges præscribere auden-
 tes, censent, Christum morte suâ omnibus & singulis hominibus Actualem
 remissionem peccatorum, reconciliationem, aternamque salutem acquisivisse; non
 dubitantes asserere, Pharaoni, Iuda, Caino, non ut reprobis, sed ut peccatoribus re-
 conciliationem ac salutem morte Christi reipsâ partam esse. Deum enim ex aquo omni-
 um hominum salutem intendere, sed hominis incredulitatem impedire, quò minus re-
 missio & reconciliatio omnibus applicetur. Volunt enim nec Deum Patrem ex inten-
 tione quenkumque salvandi, per Filij sui meritum, Filium suum morti tradidisse, nec
 Filium hanc vocationem acceptasse, mortemque subire voluisse, ut certos homines in-
 fallibiliter servaret. Nam etiamsi nemo credidisset, Christus tamen (si his credi-
 tur) sine, quem sibi moriendo proposuerat, frustratus nequaquam fuisset: cum pro-
 pterea mortuus non sit, ut quem præcisè & infallibiliter servaret; sed tantum ut Pa-
 tri suo ius ac potestatem acquireret, quò possit eorum, quibus conditionem salutis pro-
 poneret,

poneret, misereri, eosque illas à suâ iustitiâ servare: usque homini salutem solummodo possibilem redderet, ac januam salutis æternæ viamque immortalitatis panderet, quam eidem ingredi aut non ingredi liberum esset. Quare inter impetrationem & applicationem distinguunt, Omnibus quidem reconciliationem, & remissionem peccatorum impetrari, sed solis credentibus applicari perhibentes.

II. Hæc Arminianorum absurda dogmata accuratâ iudicii lance ponderans, eadem ex absurdâ eorum de libero hominis arbitrio, indifferentiæ ad utrumque; obiectum, & bonum & malum sententiâ, pullulare reperiet. Nam quid absurdius dici potest quàm Christi morte omnibus & singulis hominibus, etiam Iudæ, Caino, Pharaoni, aliisque, quos Deus ab æterno damnare decrevit, reconciliationem, salutemque æternam acquisitam esse. Quomodo enim Christus iis, qui nunquam crediderunt, nec fuerant credituri, reconciliationem impetrasset. Per hanc doctrinam Deo illuditur, quum Christus à Patre, quod nunquam profuturum sciat, impetrare fingatur. Nam si Christus Pharaoni & Iudæ, seu quâ reprobis, seu quâ peccatoribus, reconciliationem ac remissionem peccatorum acquisivit, sat sciens hanc impetrationem saluti ipsorum nunquam cessuram, sic Patrem rogans inducitur: *Obsecro te, mi Pater, in gratiam meos recipe, quos te nunquam in gratiam recepturum, quosque certo damnandos esse scio.* Quod si verum est, Deum acta sua rescidisse necesse est, de Pharaonis ac Iudæ peccatis, quorum remissio morte Christi jam ipsis impetrata fuerat, æternæ damnationis pœnas sumens.

III. Præterea si Deus ex æquo omnium hominum salutem intendit, sanè generi humano illudere videtur, hanc reconciliationem maximæ generis humani parti ignotam manere perferens, ac tamen multis hominibus reconciliationem, illis per mortem Christi partam, abscondens.

IV. At inquirunt; *Hominis incredulitatem impedire, quod minus remissio & reconciliatio omnibus applicetur.* Quasi verò quis se dignum hac applicatione possit præstare, quorundam autem indignitas seu incredulitas gratiam Dei superet; ut desperabundus Cain dicebat, *Peccatum meum maius est, quàm ut remitti possit.* Gen. 4. 13. Aliter sanè Apostolus Paulus, Rom. 5. *Vbi peccatum amplificatum est, ibi superabundavit gratia:* sc. maximè indignis & incredulis maxima contingere potest gratia.

V. Ineptiunt igitur Arminiani, asserentes nec Deum Patrem ex intentione quenquam salvandi per Filij sui meritum, Filium suum morti tradidisse; nec Filium hanc vocationem acceptasse, mortemque subire voluisse, ut certos homines infallibiliter servaret. Nam id quod necessariò meritum ac decretum Dei, de Filio suo morti tradendo, præcedit, Christi merito attribui nequit.

intentio autem Dei quosdam peccatores servandi, antecedit decretum Dei de Filio suo morti tradendo, in redemptionis pretium pro multis, Non enim Deus Pater Filium suum mittere decrevit, nisi ex intentione præviâ peccatores sibi reconciliandi, & cum iis in gratiam redeundi: alioquin frustra Filium suum misisset in mundum, &, non sine immani crudelitate, cum innocentissimum, amaræ & execrabili morti tradidisset. Quamvis autem Deus cum peccatoribus actu in gratiam non redeat, nisi mediante satisfactione Filii sui, intentio tamen & voluntas reconciliationis, secundum nostrum considerandi modum præcedens, Deum movit ad Filium suum morti tradendum. Sic & Filius voluntati & intentioni Patris, de reconciliandis sibi peccatoribus, satisfactorius, hanc missionem, eodem fine, ut quosdam peccatores Deo reconciliaret, accepit: alioquin Christus finem missionis suæ non fuisset assequutus.

V I. At ajunt: *Etiamsi nemo credidisset, Christus tamen sine, quem sibi moriendo proposuerat, nequaquam frustratus fuisset; quum propterea mortuus non sit, ut quem præcisè & immutabiliter servaret, sed tantum ut Patri suo ius ac potestatem acquireret, quò possit eorum, quibus conditionem salutis proponeret, misereri, eosq; illa sua iustitiâ servare: utque homini salutem solummodò possibilem redderet, ac januam salutis æternæ, viamque immortalitatis panderet, quàm eidem ingredi aut non ingredi liberum esset.* Quæ si vera sunt, Christus suâ morte nihil nobis meritus fuit, atque nec fides, nec salus nostra fidem consequens, finis Christi mortis fuit: proinde nec meruit Christus nobis fidem, nec regenerationem, nec per consequens salutem; cum finis mortis Christi, iuxta illos, potuerit constare, etiamsi omnes damnarentur. At his expressè Paulus contradicit, Eph. 1. 3. *Deum nobis in Christo omni benedictione spiritali benedixisse.* Non igitur sufficit, morte Christi Deo ius ac potestatem hominem salvandi acquisitam esse, sic ut Deus eosdem sine violatione iustitiæ suæ possit servare; quum hæc potestas nihil in homine ponat: nec satis fuit, Deum velle cum peccatoribus in gratiam redire, gratiam inquam communem erga omnes homines, ipsque salutem possibilem reddere, ac viam immortalitatis ingrediendam aperire: sed necesse fuit, ut Christus ipsam vocationem, fidem, ipsamque salutem, morte suâ, Petro, Paulo, omnibusque servandis, immutabiliter acquireret. Cæteroquin Christus respectu omnium electorum frustra mortuus fuisset, Deoque tantum, non autem electis morte suâ aliquid peperisset; adeoque non dator, sed præparator salutis dicendus esset. Quæ sententia maximam partem Socinianismum sapit.

V II. Πρωτον vero ψευδος in eo latet, quòd hi Novatores, hanc viam salutis

lucis ingredi & non ingredi, in hominis potestate esse statuunt. Cum tamen scriptura contra clamet, *Non esse volentis aut currentis, sed miserentis Dei*, Rom. 9. 16. *Deum esse, qui efficaciter in nobis operetur & velle & perficere*, pro suo beneplacito, Phil. 2. 13. *Dei donum esse servari*, Eph. 2. 8. *Neminem ad Christum venire, nisi Pater eum traxerit*, Ioh. 6. 44. *Quum cogitatio cordis humani omni tempore duraxat mala sit*, Gen. 6. 5. imò homo in peccatis mortuus sit, Eph. 2. 1.

VIII. Sed hæc unicâ fortè distinctione, inter impetrationem & applicationem reconciliationis, ex omni difficultate se expedient; omnibus quidem reconciliationem & remissionem peccatorum impetrari, sed soli credentibus applicari asserentes. Quæ quidem distinctio quantumcunque inter homines locum habeat, apud Deum tamen locum habere nequit, à quo nihil impetratur, quod non largiatur, actuque conferat. Quando autem dicunt Christum pro omnibus & singulis hominibus esse mortuum, quoad reconciliationis impetrationem, non verò quoad applicationem, fatentur Christum morte suâ non impetravisse, ut hæc reconciliatio omnibus applicetur. Vnde fit ut inanis & ridicula sit hæc impetratio. Perinde enim est ac si dicerent, alicui impetratam esse liberationem, sed non ut liberetur, alicui nudo vestimenta esse impetrata, sed non impetrata ut nuditas illius regatur.

IX. Objectiones Arminianorum, quibus, Christum pro omnibus & singulis hominibus mortuum esse, asserere conantur, inter disquirendum à nobis diluentur. Observandum autem, Adversarios nostram sententiam plerumque immutare, antequam impugnent, atque ita non nostram sententiam, sed propria sua figmenta refutare, & cum propriâ persæpe umbrâ conflagrare, (prout sic lascivientes inaudita dogmata Orthodoxis per calumniam affingunt;) propriam autem ipsorum confessionem non nisi coactos hæsitanter eisdem stabilire. Scilicet à Spiritu vertiginis & contradictionis eos agi, quilibet, nisi sibi ipsi oculos configat, ex dictis colligere potest. Nam ex hac eorum sententiâ, Cainum, Iudam, aliosque reprobos sic affari possum: *Esote bono animo, Christus suâ morte omnibus & singulis hominibus, etiam vobis, remissionem peccatorum, reconciliationem, æternamque salutem, sed (quod dolendum) nullam salutis applicationem impetravit; impetravit vobis salutem, sed non ut actu eam unquam possideatis; impetravit vobis remissionem peccatorum, quæ vobis nunquam remissum iri, & reconciliationem, quam vobis non profuturam, cerò sciebat: Verum quidem est, Deum omnium, etiam vestrorum, salutem ex aquo intendisse, sed plurimorum, ut & vestra incredulitas impedivit, quò minus remissio & reconciliatio omnibus, ac etiam vobis, applicetur: nec tamen hæc vestra incredulitas Dei Patri, Filijve intensionem impedivit: non*

enim Deus Pater, ex intentione quenquam salvandi, Filium suum morti tradidit, nec Filius sine suo frustratur, etiamsi nemo in eum credat, nemo per eum servetur, & sit caput Ecclesia sine certis membris; quia tamen Deus ius ac potestatem acquisivit, omnes homines, etiamque vos, salvandi, omnibusque hominibus salutem possibilem reddidit, januam vite aeternae omnibus ingrediendam pandens. Ne igitur animum despondeatis, o reprobi, Deus vobis omnibus viam salutis sternit, vobisque omnibus dat vires credendi, ut actu credatis, si velitis: positum est in vestro libero arbitrio, gratia uti vel non uti, ut possitis servari, etiamsi certo sitis damnandi. Quis non ad tam prodigiosam doctrinam, Deo, hominibusque probrosam exhorrescat?

X. Huic Arminianorum sententiae hodierni LUTHERANI fere suffragantur, hoc ipso à Luthero discedentes, ejusque libellum, quem de servo hominis arbitrio contra Erasmus edidit, repudiantes: qui etiam propterea malè Lutheri discipuli vocantur. Ut autem Lutheri sectatores rectè distinguantur, haec tria eorum genera obiter observentur. Primum eorum qui Lutheri autoritate fascinati, corporalem Christi praesentiam in S. Coena credunt, in reliquis autem omnibus religionis capitibus cum Orthodoxis consentiunt. Et hi genuini Lutherani sunt. Alterum eorum qui non modò Lutheri sententiam, de corporali Christi praesentia in sacra Coena retinent, sed & Lutheri sententiam adulterantes, novos errores, contra Scripturam, sub Lutheri nomine, Ecclesijs suis obtrudunt, atque schismatis fovendi causam ab Orthodoxis recedunt. Et hi Pseudo-Lutherani appellari merentur. Tertium eorum, qui, rejectis Lutheri erroribus, S. Scripturae dissonis, in omnibus ipsi assentiuntur, quae consona S. Scripturae pio Zelo contra Anti-Christum, aliosque fanaticos docuit. Et hos Pontificii per calumniam quandoque Lutheranos, ipsi verò Lutherani Calvinianos, seu Calvinistas nuncupant. Malè autem quisquam Lutheranus vel Calvinianus à Ministro Ecclesiae suae appellatur, quum Paulus expressè vetet, I. Cor. 1. 12, 13. nos ab autoritate Doctorum Ecclesiae dependere, ac ab ijs denominari: nam unum habemus Dominum Christum, à quo Christiani denominamur. At si discipuli Doctoris cujusdam, à Christi doctrina discedentes, in verba & errores Magistrorum suorum jurent, meritò à Doctoribus suis cognominantur. Sic quotquot Pontificis seu Papae Romani, supra Christum, ipsumque Deum se efferentis, ut dicitur 2. Thess. 2. 4. dogmata sequuntur, ab eo tanquam capite Ecclesiae suae dependent, summo jure Pontificios seu Papistas appellamus; quum ne alio quidem nomine eos indigere queamus. Hi igitur secundi generis Lutherani, Pseudo-Lutherani potius dicendi, litem nobis, de universali me-

rito

isto mortis Christi, movent; in omnibus tamen Arminianis non adstipulantur. Quia verò ratio sententiam suam explicant, hic paucis eam aperire operæ pretium erit. Statuunt universale Christi meritum: Christum pro omnibus & singulis hominibus esse mortuum, eosque sanguine suo redemisse, Deoque reconciliaffe, idque secundum universale Dei decretum Electionis. Ne a. cogantur asserere omnes & singulos homines actu salutem æternam assequi, Voluntatem Dei in Antecedentem & Consequentem, seu Universalem & Particularem distinguunt. Antecedentem vocant æternum Dei consilium de omnibus & singulis hominibus salvandis: Vnde Universale Christi meritum oritur. Consequentem appellant decretum Dei æternum de salvandis credentibus, & damnandis incredulis. Hac autem particularitas, quod quidam salventur, quidam damnantur, juxta eos, non dependet à voluntate Dei, (qui serò vult, ut omnes & singuli homines credant & serventur) sed ab incredulitate ipsius hominis, qui benigno Dei beneplacito non obsequitur. Quam parum hæc sententia à Pelagianismo discrepet, cuilibet obvium est. Sufficit igitur eam suprà atro carbone notasse.

XI. Quia verò sententiæ suæ fundamentum, in distinctione voluntatis antecedentis & consequentis, collocant, hæc sequentia de hac distinctione addere lubet. Quum nullum sit in Deo antecedens decretum, conditionale & incertum, ab eventu dubio pendulum: nullum item decretum consequens, distinctum & particulare ex arbitrio humano, merito hanc rejicimus distinctionem. Illius enim membra cum suo diviso, quod est voluntas Dei manifestè pugnant. Nam Dei voluntas, pro decreto accepta, est certa fixa & immutabilis, finemque suum semper assequitur: ut ipse Iehova inquit, Es. 46. 10. *Consilium meum stabit, omniūque voluntas mea fiet*: Sic & Esaias cap. 14. vers. 27. *Consilium Iehova quis irritum faciet?* Et Paulus Rom. 9. 19. *Voluntati eius quis resistit?* Huius autem distinctionis membra voluntatem Dei mutabilem, incertam &c. reddunt. Præterea huius distinctionis membra planè se invicem oppugnant, quorum unum omnes salvari affirmat, alterum negat. At inquit, Hæc non esse contradictoria, sed subordinata. Vult Deus omnes homines credere, & per fidem salvari, sed quia multi proprio vitio non credunt, ideo consequente Dei voluntate damnantur, credentes autem salvantur. Resp. Ex his sequitur fidem esse humani arbitrij opus, & in homine esse antecedenti Dei voluntati obsequi vel resistere, Deumque voluntatis consequentis participem facere vel orbare. Quod quomodo s. literis contradicat antea probatum est. Ex hoc unico articulo apparet quantum hodierni Lutheranī à M. Luthero secesserint.

XII. Non defuerunt tamen viri cætera Orthodoxi, qui pacis conciliandæ gratia, at infelici successu, Lutheranis, sic facilius, ut putabant, pacandis, concesserunt, *Gratiam obiectivam esse universalem, seu Christum mortuum esse pro omnibus & singulis hominibus. Gratiam vero subiectivam, ad testandum nobis consensum, specialem concedebant. Gratiam igitur obiectivam vocant tum meritum Christi, quod credendum omnibus offertur, tum vocationem externam, naturalem sc. quâ si quis rectè uteretur venturum vel ipsum Christum de cælo, vel missurum ministros, qui eum rectè ratione utentem fide fideique fructibus instruant. Gratiam autem subiectivam, h.e. fidem, fideique fructus nobiscum particularem esse concedunt.* Post multas tamen altercationum ambages in eo conveniunt, omnibus quidem Christum annunciari, sed non ab omnibus eum recipi; at cuncti que pressi in hanc arenam conscendere coguntur, An Christus pro omnibus & singulis hominibus sit mortuus. Affirmant autem, Christum quidem pro omnibus & singulis hominibus mortuum esse sufficienter; mortem tamen ejus non nisi solis electis per fidem applicari. Quod omnes autem morse Christi non liberentur, non in defectu meriti Christi, sed hominis infidelitate situm esse. Quemadmodum enim Sol omnium oculos illustrare dicitur, etiam si multi sint cæci, multi dormientes, multi in tenebris abditi, quibus tamen lux solaris sufficeret, si essent oculati, vigilantes & in media luce positi: Sic & posse dici, Christum pro omnibus & singulis hominibus mortuum esse, etiam si multi propriâ suâ incredulitate per Christum non sequantur, quum & ipsi, si crederent, morse Christi sufficeret.

XIII. Et sic hæc quaestio cum Arminianorum apte refutata fere congruit: differt tamen imprimis ab illa, quod Arminiani vi liberi arbitrij sui sententiam suam stabiliant, statuentes penes hominem esse, hanc universalem gratiam amplecti vel repudiare; hi autem Patroni Vniversalis Gratiae Arminianos hac in parte nobiscum impugnent. Quare suprâ dicta hic repetere superfluum ducimus. Quod autem statuitur, *Gratiam obiectivam esse Vniversalem, h.e. meritum Christi, quod omnibus amplectendum offertur, & vocationem externam, naturalem sc. quâ quis rectè utens possit salutem attingere, gratis & sine fundamento dicitur.* Nam si hæc obiectiva gratia est universalis, debet primò omnibus & singulis offerri, quod ne ipsi quidem adversarij admittunt. Nam multæ adhuc gentes sunt, qui de Christo ne audiverunt quidem. Quomodo autem ei credent, de quo non audiverunt, Rom. 10. 14. Deinde nullibi Scriptura dicit gratiam supernaturalem omnibus dari, per quam naturali luce rectè uti possint: nullibi dicit gentes, quæ Christum ignorant, Deique expertes sunt in mundo, Eph. 2. 12, hac naturali luce ad fidem posse pervenire. Liber naturæ oculis Gentium observabatur, legis opus cordibus eorum erat inscriptum, h.e. æqui bo-
nique

nique aliquæ notiones, sed multa caligine offuscata, nec per illam Grati-
 am sufficientem quisquam ad fidem ac salutem pervenit. *Præterea* nulli-
 bi Scriptura dicit, Deum teneri dare incrementa gratiæ illis, qui natura-
 li luce rectè usi fuerint; ipsumque Christum paratum esse de cælo de-
 scendere, aut ministros suos mittere, quò ulteriori gratia donentur. Nam
 sic Deus paratus esset exsequi, quod se nunquam exequuturum novit,
 proclivis esset hominem maiore gratiâ, sub conditione nunquam im-
 plendâ, cumulare. Sic dubio procul pluribus Ethnicis, qui vitæ tempe-
 rantia & appetituum refrænatione, atque iustitiæ cultu, plurimos Chri-
 stianos superarunt, quique de Deo plurima præclara dixerunt, sua grâ-
 tia, & auxilio speciali, Deus statim adfuisse. At nemo unquam Ethni-
 corum se hanc Dei gratiam sentisse, ore, scriptove, professus fuit.

XIV. At excipient fortè, me hic cum propria umbra conflagere, quum
 & ipsi nolint Deum omnes & singulos homines singulariter simul & o-
 mni tempore vocare. *Resp.* Quomodo gratia potest universalis dici, nisi
 omnibus & singulis hominibus universim prædicetur. Neque tamen illi
 inficiantur, Deum quodammodo omnes & singulos homines ad pœnitentiam voca-
 re, sc. 1. per legem naturæ; 2. per quotidianam benignitatem, quâ omnes ad pœnitenti-
 am invisas, ut Deum quarant, agnoscant, celebrent; 3. per generale Evangelij man-
 datum, credite & respicite, quod & statim à lapsu, Gen. 3. 15. cap. 4. 6. 7. c. 6. 3.
 & à diluvio universo generi humano annunciatum, Gen. 9. 19. ac demig ab Aposto-
 lis per Vniversum mundum prædicatum, Mat. 28. 19. &c. Vide Croch Duodecadem
 dissertationum apologet. Synagmaticis Theol. dissertationem 12. ibes. 67. Regero, si
 quodammodo omnes & singuli homines ad pœnitentiam vocantur, o-
 mnes & singulos saltem vocari, manifestum est. Non inficiamur
 quidem omnibus hominibus aliqualem Dei cognitionem, & æqui bo-
 nique notiones quasdam ingenitas esse; nullo tamen modo hinc sequi-
 tur quenquam hac luce naturali salutem posse attingere; nec propterea
 sequitur, omnes ad pœnitentiam in Christo vocari; gratiam obiectivam
 universalem esse, omnibusve mortem Christi annuntiari, ob rationes
 modo à nobis datas. Et sic duæ priores Adversariorum rationes nihil
 inferunt; nec tertia magis stringit. Nullus enim ex citatis locis probat,
 fidem & resipiscenciam omnibus & singulis hominibus in Christo obla-
 tam fuisse, atque etiamnum offerri: Nam hanc promissionem. Gen. 3. 15.
 Adamo & Evæ, de semine mulieris contrituro caput serpentis, factam;
 omnibus eius posteris oblatam fuisse, dicere quis audeat? Nam sic nullus
 omnino homo Christum ignoraret. Nec ex colloquio Dei cum Caino,
 Gen. 4. 7. nec ex eiusdem deliberatione de non inundando mundo, Gen.

6.3. sequitur Deum omnibus & singulis hominibus gratiam obiectivam offerre. Sic nec *Gen. 9. 9. 10. 11.* Deus propriè loquitur de federe gratiæ in Christo, sed de federe universali, non tantum cum Noacho eiusque posteris, sed & cum ipsis animantibus stabilito, de non inundandâ rursus terrâ. Nam Deus paucis tantum familiis gratiam suam manifestavit, & reliquas gentes sicut suis ipsarum viis incedere, *Ab. 14. 16.* Iacobo indicavit verba sua, statuta & iura sua Israël, nec sic fecit ulli genti, quæ ideo iura ista non noverunt, *Pf. 147. 19. 20.* Quomodo quæso Deus omnibus gentibus universalem gratiam obtulisse dicitur, quibus Deum jura & statuta sua non indicasse, quosq; eadem ignorasse Scriptura testatur? Denique quod Scriptura asserit Apostolos per universum mundum Evangelium prædicasse, *Matth. 28. 19.* &c. non intelligendum est, quasi Apostoli omnes orbis terrarum partes peragrarent, & sic Evangelium omnibus & singulis hominibus annunciarint, quum contrarium & Scriptura & experientia testetur: sed Christus mittens Apostolos ad omnes Gentes noluit Evangelium solis Iudæis, ut in V. Test. sed omnis generis Gentibus, qualescunque etiam essent, prædicari: Quod hoc loco probare, quum à pluribus præstitum sit, superfluum esset.

XV. Pergunt Adversarii dicere: *Omnibus quidem Christum annunciari, sed non ab omnibus eum recipi: tandemque dicere coguntur, Christum quidem pro omnibus mortuum esse sufficienter, mortem tamen ejus non nisi solis Electis per fidem applicari: quod autem non omnes liberentur, non in defectu meriti Christi, sed hominis infidelitate situm esse.* Si hic Adversarii dignitatem meriti Christi solummodò extollere vellent, quæ tanta fuit, ut & omnibus redimendis suffecisset, si Deo placuisset, omnesque credidissent, nullam illis litem moveremus, sed quod dicunt Christum pro omnibus & singulis omnino mortuum esse, absurdo carere nequit. Nam pro quibus Christus mortuus est, illi non salvari non possunt. Omnes autem salvari nemo admittet: ergo nec illud, Christum pro omnibus esse mortuum. Absurditatem huius sententiæ supra contra Arminianos ostendimus, nec hic repetimus.

XVI. At fortè hac distinctione elabentur, *Christum quidem mortuum esse pro omnibus & singulis hominibus sufficienter, at pro solis electis efficaciter.* Resp. Hanc divisionem sufficientiæ & efficaciæ meriti Christi contradictionem implicare. Si enim Christus pro omnibus mortuus, etiam omnium peccata morte sua expiare, eorumque remissionem impetrare voluit. Id ipsum enim particula *Pro*, finem denotans, requirit. Si autem peccata eorum expiare voluit, actu etiam expiavit, quia quicquid vult, ut omnipotens Deus, semper efficit. Nam si Christi meritum est sufficiens pretium,

tium, ad omnes & singulos homines redimendos, hoc sufficiens pre-
 tium etiam datum & persolutum est, ad omnes homines actu redimen-
 dos. Qui enim moritur, sive pretium persolvit, ut omnes & singulos re-
 dimat, morte suâ etiam omnibus prodesse vult. At qui mortem subit, quæ
 est sufficiens pretium redimendis omnibus, hoc scopo ut paucis tantum
 prosit, ille morte suâ omnibus prodesse non vult: sed potius vult eam,
 quæ omnibus sufficere posset, non omnibus, sed quibusdam tantum suf-
 ficere. Sicut enim decem tonnæ auri, datæ tribus hominibus, quæ suffi-
 cere potuissent ad plures, verbi gratiâ decem ditandos, revera tantum ad
 tres illos, non verò decem ditandos sufficiunt, quum reliquis septem ni-
 hil datum sit, illisque propterea nulla sufficientia accesserit: Sic & mors
 Christi, qua certus electorum numerus redemptus est, quamvis ad omnes
 redimendos sufficere potuisset, revera tamen tantum ad certum illum
 electorum numerum, non autem omnes liberandos sufficit: quum reli-
 qui præter illum electorum numerum, nullam ex morte Christi utilita-
 tem perceperint, nullamque sufficientiam mortis Christi in se experian-
 tur. Et si hæc sufficientia meriti Christi est tantum potentialis, h. e. ejus
 meritum ad omnes & singulos homines servandos sufficere potuisset,
 non actualis: quando autem Christus pro omnibus jam omnino suffici-
 enter mortuus esse dicitur, non amplius potentialis, sed actualis requiri-
 tur sufficientia. Quare merito hanc distinctionem rejicimus: ut & illam
 similitudinem, quæ adversarij à Solis luce mutuuntur. Nam illud simile
 non congruit. Sol omnes orbis terrarum partes luce suâ irradiat, & sic
 omnium oculos illustrare potest: at Christi mors non in omni terra præ-
 dicatur, & sic nec omnibus annuciari potest, unde nec Christum pro
 omnibus mortuum esse dici potest. Imò inverto illud simile. Sicut Sol,
 quibus exoritur, omnes non tantum sufficienter, sed & efficaciter luce
 suâ illuminat: Sic & ijs, pro quibus Christus mortuus est, non tantum suf-
 ficienter, sed & efficaciter illius mors per fidem applicatur. *Rursus*, Sicut
 Sol nec cæcos, nec dormientes, nec in tenebris abditos illuminat, quum
 nullâ eius luce illuminentur, nec ullam omnino lucem cernant; & sic
 nec sufficienter illos illuminari dici potest: sic nec Christus pro omni-
 bus & singulis hominibus ullo modo mortuus est, & sic nec sufficienter
 pro illis mortuus esse dici potest.

XVII. Colligimus igitur ex hæcenus dictis, Christum non esse mor-
 tuum pro omnibus & singulis hominibus, sed pro solis electis: non pro
 mundo, sed pro datis ex mundo, *Ioh* 17. 6. 9. sed pro ovibus suis, *Ioh* 10.
vs. 15. coll. *vs. 26.* non pro omnibus, sed pro multis, *Matth.* 20. 28. *Es.* 53. 11. 12.

QVÆSTIO II. LVTHERANORVM:

An Christus corporaliter in S. Cœna sit præsens?

THESIS I.

Egitur Ioh. 6. v. 35. 51. &c. quum Christus dixisset, se esse panem illum qui de cœlo descendisset, panem illum vitam, & quosquot hunc panem ederent habituros vitam eternam; panem autem illum esse carnem suam, quam pro mundi vitâ daturus sit, & quosquot nec hanc carnem suam ederent, nec hunc suum sanguinem biberent, non habituros vitam in se ipsis: Iudæos hoc sermone audito murmurasse, dicentes, Quomodo hic nobis suam carnem comedendam dare potest? imò & multos ex Christi discipulis, ob hunc durum sermonem, pedem retulisse, nec amplius cum Christo versatos fuisse.

At longè maiori ingenij *ax; iβe* hodierni LUTHERANI præditi sunt, quibus, quoties S. Cœnam adeunt, hic sermo non durus, sed *gatus* est, quique sine ulla difficultate, ore corporis, carnem Christi edi, eiusque sanguinem bibi posse, asfirmant: nec eo offenduntur, quod Christus versu 61. 62. Discipulis suis dicebat, Hoccine vos offendit? Quid si igitur *filium* hominis ed ubi prius erat ascendentem spectaveritis? h.e. quomodo carnem meam edere, & sanguinem meum bibere poteritis, quum ego iuxta humanam naturam in cœlum ascendero. Credunt enim Corpus Christi in cœlum quidem sublatum esse, & tamen ne latum quidem unguem à terra ascendisse; idem corpus posse esse certo in loco, & tamen nullo loco circumscriptum, nullo exclusum; corpus posse esse alicubi sine certi spatij localis occupatione; idem corpus posse esse visibile & invisibile; idem corpus pluribus simul posse esse in locis; corpus Christi multorum credentium corpora posse nutrire, nec tamen unquam consumi; adeoque (quod inde sequitur) corpus in infinita corpora posse multiplicari, attamen eandem semper quantitatem retinere, nunquam augeri, nunquam diminui: & prout istæ eorum subtilitates plures sunt; quas si deponerent, animos eorum ab alienatos: ad concordiam pacemque nobiscum ineundam, moveri posse facillimum iudico. Nam una Christi responsio, quam discipulis suis dat, vs. 63. (*Spiritus est id quod vivificat, caro non prodest quicquam: verba quæ loquor vobis Spiritus & vita sunt*) ijs satisfacere potest. Quamvis autem Christus hoc loco de institutione S. Cœnæ non agat, manifestè tamen perhibet, *Carnem & Sanguinem* corporaliter manducare non prodesse quicquam: & nihil eadem ore manducare prodest, necessariò consequitur, nec quicquam prodesse: in S. Cœna carnem & sanguinem Christi ore corporis edere, denti-

dentibus comminueret, atque in ventriculum deferre; quum *Spiritus sit qui vivificet* (h.e. spiritualis manducatio, quæ virtute Spiritûs Christi vitam operetur) & *verba quæ Christus loquebatur Spiritus & Vita sint*, (h.e. Spiritua- liter de spirituali, quæ sit per fidem, manducatione carnis Christi, sint in- telligenda, adeoque verba vitæ æternæ sint, ut ipse Christus *vers. 35. ex- plicat*) *caro autem non profit quicquam*, ore sc. corporali manducata.

II. Et propterea non est necesse multi præsentiam, aut omni præsentiam corporis Christi statuamus: nec scalis indigemus, quibus in cælum ad- scendentes panem coelestem de coelo in terram deportemus, ibidemque manducemus: nec opus est urnâ, quâ aquam vividam ex profundo puteo hauriamus, ut mulier illa Samaritana putabat, *loh. 4. 11.* Fides in Christum sunt scalæ Jacobi, quarum summitas coelum, extremitas terram tangit, quibus in coelum ascendimus, panis illius coelestis verè participes simus, verum carnem & sanguinem Iesu Christi manducamus, vereque per- cipimus; non perceptione corporis alicuius invisibilis, quod omnibus aut saltem pluribus in locis, sine certi tamen spatij occupatione, esse fingitur, & nullibi tamen dari potest, sed veri visibilis eiusdemque corporis Chri- sti, quod in cruce pendit; nec carnem & sanguinem Christi solummo- modo percipimus (quum eadem nihil proferat,) sed & ipsum Christum cum omnibus beneficijs & meritis, quatenus eadem per fidem tam certo nobis applicamus, quasi nostra essent.

Fides est illa hydria, quâ hanc aquam, quam Christus nobis dat, quæ- que sit fons aquæ salientis in vitam æternam, haurimus. Et hunc Panem coelestem, hanc Aquam vivam in S. Coena sub certo symbolo panis & vini Christus nobis exhibet: quæ exhibitio quomodo intelligenda sit, hoc loco, ne Lectorem filo fortè prolixiori fatigemus, non docebimus, quum & scopus noster sit, absurdam & manifestas contradictiones involven- tem, de corporali Christi præsentia in S. Coena, sententiam solummodo detegere.

III. Idem corpus naturaliter pluribus posse esse in locis, aut posse esse alicubi sine certi spatij occupatione, nullus hæctenus Physicus vel Meta- physicus, nullusve nisi perfriatæ frontis Lutheranus admittebat. Nam omne corpus esse quantum, & quatenus est quantum, in longum latum & pro- fundum esse extensum, & quatenus est extensum, certum locale spatium suis dimensionibus replere & occupare, & quatenus certum locale spa- tium occupat, atque in eodem permanet, nullum aliud corpus in spa- tium sibi commensuratum posse admittere, apud omnes in confes- so est.

IV. Omnibus igitur rationibus & argumentis hodierni Lutherani destituti, Dei omnipotentiae palio hæc absurda tegere alloborant, asserentes, *Primi agentis, h. e. Dei, liberalitate & potentia posse fieri, ut corpus quod est alicubi circumscriptivè, non sit in uno aliquo loco partiali, sed pluribus: cuius. Quod est alicubi circumscriptivè eadem Dei potentia posse esse alicubi citra spatij occupationem: & propterea Christum corporaliter in S. Cœna posse esse præsentem. vid. Scheibl. Metaph. cap. 17. tit. 6. Resp. A potentia Dei non licet argumentari ad confirmandum id, quod verbo Dei, imò ipsi naturæ Dei est contrarium. Quamvis Deus plurima supra naturam facere possit & faciat, nullum tamen vestigium in s. literis apparet, Deum posse quicquam contra naturam, v. g. idem corpus posse esse pluribus simul in locis citra spatij localis occupationem, efficere. Nam hoc cum Dei veritate, perfectione, & immutabilitate pugnaret: sic Deus posset se ipsum abnegare, mentiri: sic Christus simul esse posset Etiam & Non; contra manifesta Scripturæ loca, 2. Tim. 2. 13. Tit. 1. 2. 2. Cor. 1. 19.*

V. At excipiunt, *Corpus Christi defuisse esse corruptibile, & nunc esse gloriosum ac propterea posse esse pluribus simul in locis.* Resp. Gloriositatem corporis naturam aut essentiam immutare, non nisi Socinianus admittet. Præterea quum in prima Cœna corpus Christi, etiamnum corruptibile, secundum Lutheranos, fuerit pluribus in locis, (sc. assidens mensæ, & simul in ore & stomacho 12. discipulorum, hoc effugium nullum esse cuilibet obvium est.

VI. Et sic derisui vel commiserationi potius seipso exponunt, quum dicunt *Corpus Christi in S. Cœna percipi quidem Orali, sed Supernaturali modo: Perinde est enim ac si dicerent, Percipi naturali, (h. e. orali) sed non naturali (h. e. supernaturali) modo.*

FINIS.

SOLI DEO GLORIA.